



ՀՀ ԿԲ դրամավարկային քաղաքականությունը և արտարժույթի շուկաները
Ամսական տեսություն
(Հուլիսի 2018թ)



Հարգելի այցելու,

ՀՊՏՀ «Ամբերդ» հետազոտական կենտրոնի կողմից ներկայացված Ֆինանսական շուկաների վիճակի և զարգացումների ամսական տեսությունը հրապարակվում է ամսական հաճախականությամբ և իրենից ներկայացնում է ՀՀ ֆինանսական շուկաներում իրականացված գործարքների ամփոփ վերլուծություն: Այն իր մեջ

պարունակում համաշխարհային ապրանքային և ֆինանսական շուկաներում տեղի ունեցած գործընթացների ու միտումների ամփոփ տեղեկատվություն. ՀՀ մակրոտնտեսական հիմնական ամսական ցուցանիշների դիտարկում. ՀՀ ԿԲ կողմից դրամավարկային քաղաքականության ընթացքում իրականացված գործառնությունների վերաբերյալ, ինչպես նաև պետական, կորպորատիվ արժեթղթերի շուկաների և միջբանկային շուկաներում կնքված գործարքների վերաբերյալ ամփոփ վերլուծություն:

ՀՊՏՀ «Ամբերդ» հետազոտական կենտրոնի կողմից համաշխարհային ֆինանսական շուկաների զարգացումների վերլուծության նպատակը այս շուկաներում տեղի ունեցող գործընթացները տեսանելի դաշտում պահելն ու դրանց ազդեցությունը ՀՀ եվրոպարտատոմսերի, ՀՀ ներքին ֆինանսական շուկայի և ընդհանրապես՝ երկրի մակրոտնտեսական վիճակի վրա հասկանալն է, ինչը, նկատի ունենալով ազդեցությունների լազային(ժամանակային առումով խզված) բնույթը, կարևոր է մեր տնտեսության համար ապագա զարգացումների կանխատեսման տեսանկյունից: Մյուս կողմից՝ համաշխարհային կապիտալի շուկաներում ներդրողներ են նաև ՀՀ սուբյեկտները(ԿԲ, կենսաթոշակային ֆոնդեր, այլ ինստիտուտներ և անհատներ), ինչը ևս կարևոր է դարձնում այստեղ ընթացող զարգացումների վերլուծությունը: Այս՝ ամսական պարբերականությամբ հրապարակվող տեսությունը ամփոփում է ՀՀ եվրոպարտատոմսերի, համաշխարհային ապրանքային(մետաղներ, էներգակիրներ, պարենային ապրանքներ), արժույթային(դոլարի ինդեքս, եվրո, ՌԴ ռուբլի) և կապիտալի(զարգացող և զարգացած երկրների ֆոնդային ինդեքսներ և պետական պարտատոմսերի եկամտաբերություններ) շուկաներում տեղի ունեցող զարգացումների վերլուծությունը: Ամսական տեսությունը հիմնվում է Investing.com հարթակի հրապարակած վիճակագրության վրա, իսկ վերլուծությունների հիմքում Reuters գործակալության տեղեկատվական ու վերլուծական հրապարակումներն են և սեփական դիտարկումները: ՀՀ սոցյալ տնտեսական վիճակի հետ կապված հիմնական ցուցանիշների ներկայացումը նպատակ ունի ներկայացնել ՀՀ տնտեսական ակտիվության, տնտեսության հիմնական ճյուղերի զարգացումների, սպառողական և արդյունաբերական գների ինդեքսների, արտաքին ապրանքաշրջանառության և բնակչության միջին ամսական աշխատավարձերի ընդհանուր միտումները, ինչը թույլ է տալիս գնահատել Ֆինանսական շուկաների վրա մակրոտնտեսական և սոցյալ-տնտեսական ընդհանուր վիճակի ազդեցությունները: ՀՀ ԿԲ դրամավարկային քաղաքականության շրջանակներում ներկայացված են ԿԲ կողմից կիրառվող անուղղակի գործիքների կիրառումը, դրանց շրջանակներում իրականացված գործարքները, ինչպես նաև դրամական զանգվածի կառուցվածքը և դրանում իրականացվող փոփոխությունները: ՀՀ արտարժույթի շուկայի հետ կապված ներկայացված են ԱՄՆ դոլարի, եվրոյի, ՌԴ ռուբլու բորսայական, արտաբորսայական, ներբանկային և միջբանկային գործարքները, ինչպես նաև ՀՀ ԿԲ կողմից արտարժույթի շուկայում իրականացված գործառնությունները: Արժեթղթերի շուկայի վերլուծությունը բաղկացած է պետական և կորպորատիվ

արժեթղթերի շուկաների հետ կապված դիտարկումներից: Պետական պարտատոմսերի շուկայի հետ կապված ներկայացվում են առաջնային շուկայում դրանց տեղաբաշխումները, ՀՀ ֆինանսների նախարարության կողմից իրականացվող հետգնումները, բորսայական և արտաբորսայական շուկաներում կնքվող գործարքները, գործակալ բանկերի կողմից բորսայական գնանշումները, ինչպես նաև պետական պարտատոմսերի եկամտաբերության կորերի փոփոխությունները: Կորպորատիվ արժեթղթերի շուկայի հետ կապված ներկայացվում են բորսայական և արտաբորսայական տեղաբաշխումները, բորսայական շուկայում կնքված գործարքները, դրանց շուկա ստեղծողների գնանշումները: Միջբանակային շուկայի վերլուծությունն իրենից ներկայացնում են միջբանակային վարկային, սվոփ և ռեպո շուկաների ամփոփ դիտարկումներ:

Ամբերդ հետազոտական կենտրոնի կողմից ֆինանսական շուկաների վիճակի և զարգացումների վերաբերյալ հրապարակվող ամփոփագրի տեղեկատվական հիմքերն են ՀՀ ֆինանսների նախարարության, ՀՀ Կենտրոնական Բանկի, ՀՀ Ազգային վիճակագրական ծառայության, ՆԱՍԴԱՔ ՕԷՄԷՔՍ Արմենիա ԲԲԸ հրապարակումները և վիճակագրական աղբյուրների բազաները: Ձեզ ներկայացվող վիճակագրական աղյուսակների, գծապատկերների և ներկայացվող տվյալների մի մասը նշված մարմինների կողմից օրական կտրվածքով հրապարակվող տվյալների համախմբման արդյունք են:

Սույն վիճակագրական նյութերը, վերլուծությունները և դիտարկումները ՀՊՏՀ Ամբերդ հետազոտական կենտրոնի մտավոր սեփականությունն են և դրանցից օգտվելու դեպքում հղումը կենտրոնի կայքին պարտադիր է:



«Ամբերդ» հետազոտական կենտրոն

Երևան, Նալբանդյան 128, թիվ 3 մասնաշենք Հեռ.՝ (+37410) 593-479 Էլ. փոստ՝ info@amberd.am

Բովանդակություն

Ամփոփում.....	5
1. ՀՀ ԿԲ դրամավարկային քաղաքականություն և դրամավարկային գործառնություններ	7
2. Դրամական զանգված և փողի ագրեգատներ	11
3. Արտարժույթի շուկաներ.....	13

Ամփոփում

Ամփոփելով 2018թ. հուլիս ամսվա ՀՀ կենտրոնական բանկի դրամավարկային քաղաքականության շրջանակներում և արտարժույթային շուկաներում կնքված գործարքներն ու իրադարձությունները՝ առանձնացնեք հետևյալը.


1. 2018թ. հուլիս ամսվա ընթացքում ՀՀ կենտրոնական բանկը շարունակել է անփոփոխ պահել դրամավարկային քաղաքականության հիմնական տոկոսադրույքները:
2. Ամսվա ընթացքում կնքվել է 4 ռեպո գործարք՝ 187,500,000,000 ՀՀ դրամ ծավալով, ինչպես նաև 6 Լոմբարդային ռեպո գործարք՝ 18,400,000,000 ՀՀ դրամ ծավալով: Նշենք, որ նախորդ ամսվա ընթացքում կնքվել էր 4 ռեպո գործարք, իսկ լոմբարդային ռեպոյով կնքվել էր 9 գործարք: Դրամական միջոցների ներգրավման սակարկությամբ գործարքներ ի տարբերության նախորդ ամսվա ընդանրապես չեն կնքվել: Դրամական միջոցների ներգրավմամբ կնքվել է 2 գործարք՝ 25,000,000,000 ՀՀ դրամ գումարային ծավալով, ինչը նախորդ ամսվա համեմատ նվազել է 84 տոկոսով:
3. Դրամավարկային քաղաքականության շրջանակներում կնքվող գործարքների արդյունքում ՀՀ կենտրոնական բանկը նպաստել է իրացվելիության ավելացմանը: ՀՀ կենտրոնական բանկի հունիս ամսվա գործարքների արդյունքում էական տատանումներով հանդերձ փողի բազան ամսվա վերջին սկզբի համեմատ աճել է 1.3 տոկոսով: Փողի բազայի կառուցվածքում շուրջ 52 տոկոսը եղել է ԿԲ-ից դուրս կանխիկ դրամը, ինչը նախորդ ամսվա համեմատ աճել է 4.9 տոկոսով:
4. Արտարժույթի բորսայական շուկայում 2018թ. Հուլիս ամսվա ընթացքում գործարք չի կնքվել: Չեն եղել նաև առաջարկի և պահանջարկի հայտեր:
5. Հուլիս ամսվա ընթացքում արտարժույթի Ներբանկային շուկայում գնվել է 389,063,931 ԱՄՆ դոլար՝ 480,75 դրամ ԱՄՆ մեկ դոլարի դիմաց միջին փոխարժեքով, եւ վաճառվել է 428,822,019 ԱՄՆ դոլար՝ 481,96 դրամ ԱՄՆ մեկ դոլարի դիմաց միջին փոխարժեքով: Ընդ որում, միջին կշռված փոխարժեքի 1.22 տոկոս նվազման պայմաններում հուլիս ամսին հունիս ամսվա համեմատ ԱՄՆ դոլարի առքը աճել է 7.35 տոկոսով, իսկ վաճառքն աճել է 16,13 տոկոսով:
6. Հուլիս ամսվա ընթացքում արտարժույթի միջբանկային շուկայում գնվել և վաճառվել է 49,600,000 ԱՄՆ դոլար՝ 481,69 դրամ մեկ ԱՄՆ դոլարի դիմաց միջին փոխարժեքով: Հունիս ամսվա համեմատ հուլիս ամսին գործարքների ծավալն նվազել է 27.80 տոկոսով, իսկ միջին փոխարժեքը նվազել է 0,24 տոկոսով:

7. Հուլիս ամսվա ընթացքում արտարժույթի Ներբանկային շուկայում գնվել է 58,065,793 Եվրո՝ 560,19 դրամ մեկ Եվրոյի դիմաց միջին փոխարժեքով, եւ վաճառվել 84,279,495 Եվրո 563,70 դրամ մեկ Եվրոյի դիմաց միջին փոխարժեքով: Ընդ որում առքի միջին կշռված փոխարժեքի 1 տոկոս նվազելու պայմաններում հունիս ամսվա համեմատ հուլիս ամսին Եվրոյով առքի գործառնությունների ծավալը աճել է 40.23 տոկոսով՝ 0.26 տոկոս փոխարժեքի նվազման պայմաններում, իսկ վաճառքի միջին կշռված փոխարժեքի 5տոկոս նվազման պայմաններում հունիս ամսվա համեմատ հուլիս ամսին Եվրոյով վաճառքի գործառնությունների ծավալը նվազել է 3.21 տոկոսով 0.85 փոխարժեքի նվազման դեպքում:
8. Հուլիս ամսվա ընթացքում արտարժույթի Ներբանկային շուկայում գնվել է 6,957,100,948 ռուբլի 7,61 դրամ մեկ ռուբլու դիմաց միջին փոխարժեքով, եւ վաճառվել է 2,601,818,852 ռուբլի 7,71 դրամ մեկ ռուբլու դիմաց միջին փոխարժեքով: Հունիս ամսվա համեմատ հուլիս ամսին Ռուբլով առքի գործառնությունների ծավալը աճել է 19 տոկոսով շուրջ 0.33 տոկոս փոխարժեքի նվազման պայմաններում, իսկ վաճառքի գործառնությունների ծավալը աճել է 2.85 տոկոսով 0.28 տոկոս փոխարժեքի նվազման դեպքում:

1. ՀՀ ԿԲ դրամավարկային քաղաքականություն և դրամավարկային գործառնություններ

2018թ. հուլիս ամսվա ընթացքում ՀՀ կենտրոնական բանկի կողմից իրականացվել են բաց շուկայական գործառնություններ, կիրառվել են մշտական հնարավորության գործիքներ, մինչդեռ դրամավարկային քաղաքականության հիմնական տոկոսադրույքները մնացել են անփոփոխ: Տոկոսադրույքների փոփոխության դինամիկան 2013-2018թթ. ցույց տանք գծապատկերի միջոցով.

Գծապատկեր 1. ՀՀ կենտրոնական բանկի դրամավարկային քաղաքականության տոկոսադրույքների դինամիկան 2013-2018թթ.




2018թ. հուլիս ամսվա ընթացքում ՀՀ կենտրոնական բանկը դրամավարկային քաղաքականության իրականացման շրջանակներում դրամավարկային քաղաքականության տոկոսադրույքները չի փոփոխել: 2018թ. հուլիսի վերջի դրությամբ սահմանված են եղել դրամավարկային քաղաքականության հետևյալ տոկոսադրույքները՝

- դրամական միջոցների ներգրավման տոկոսադրույք - 4,5%,
- լոմբարդային ռեպո տոկոսադրույք - 7,5%,
- վերաֆինանսավորման տոկոսադրույք - 6%:

2018թ. հուլիս ամսվա ընթացքում ՀՀ կենտրոնական բանկը դրամավարկային քաղաքականության շրջանակներում իրականացրել է հիմնականում իրացվելիության ավելացմանը միտված բաց շուկայական գործառնություններ: Այսպես, 2018թ. հուլիս ամսվա ընթացքում ռեպո գործիքով կնքվել է 4 գործարք 185,700,000,000 ՀՀ դրամ ծավալով, մինչդեռ դրամական միջոցների սակարկության գործարքներ ընդհանրապես չեն կնքվել: Միաժամանակ նշենք, որ նախորդ ամսվա ընթացքում կնքվել էր ևս 4 ռեպո գործարք 100,000,000,000 ՀՀ դրամ ծավալով: 2018թ. հուլիս ամսվա ընթացքում ՀՀ Կենտրոնական բանկի կողմից բաց շուկայական գործառնությունների շրջանակներում կազմակերպված գործառնությունների արդյունքները ներկայացնենք աղյուսակի միջոցով.

Գժապատկեր2. 2018թ. հուլիս ամսվա ընթացքում իրականացված բաց շուկայական գործառնությունները




Դիտարկվող ժամանակահատվածում բաց շուկայական գործառնությունների շրջանակներում դրամական միջոցների ներգրավման սակարկությունների գործարքներ ընդհանրապես չեն կնքվել:

Դիտարկվող ժամանակաշրջանում կնքվել է 4 ռեպո գործարք 185,700,000,000 ՀՀ դրամ ծավալով, 6.33 միջին կշռված տոկոսադրույքներով: Հարկ է նշել նաև, որ առաջարկված գումարը 11 տոկոսով գերազանցել է բավարարված ծավալին: Առաջին գործարքին մասնակցել է 1, իսկ հետագա գործարքներին գործարքին 5-6 մասնակիցներ:

Ընդհանուր առմամբ 2018թ. հուլիս ամսին ՀՀ ԿԲ-ն բաց շուկայական գործառնություններ իրականացնելիս նպաստել է իրացվելիության ավելացմանը:

2018թ. հուլիս ամսվա ընթացքում կիրառվել են ինչպես լոմբարդային ռեպո (նպաստում է իրացվելիության ավելացմանը) այնպես էլ դրամական միջոցների ներգրավման (նպաստում է իրացվելիության կրճատմանը) գործարքներ: Ամսվա ընթացքում կնքվել է լոմբարդային ռեպո գործիքի կիրառմամբ 6 գործարք՝ 18,400,000,000.00 ՀՀ դրամ գումարային ծավալով, իսկ դրամական միջոցների ներգրավման գործիքի կիրառմամբ 2 գործարք՝ 25,000,000,000 ՀՀ դրամ գումարային ծավալով: Համեմատելով հունիս ամսվա համապատասխան ցուցանիշների հետ՝ նշենք, որ դրամական միջոցների ներգրավման գործարքների ծավալը նվազել է 84 տոկոսով, իսկ լոմբարդային ռեպո գործարքների ծավալը նախորդ ամսվա համեմատ նվազել է շուրջ 55 տոկոսով:

Գծապատկեր3. 2018թ. հուլիս ամսվա ընթացքում մշտական հնարավորության գործիքներով իրականացված գործառնությունները



Բոլոր տեսակի գործարքների ժամկետը կազմել է 1 օր: Դիտարկվող ժամանակաշրջանում կնքված բոլոր գործարքներին մասնակցել են մեկական մասնակիցներ:

Դիտարկվող ժամանակահատվածում դրամական միջոցների ներգրավման գործարքները կնքվել են 4,50 տոկոսով: Համեմատելով նախորդ ամսվա հետ՝ նշենք, դրամական միջոցների ներգրավման տոկոսադրույքները նախորդ ամսվա համեմատ չեն փոխվել:

Հուլիս ամսվա ընթացքում դրամական միջոցների ներգրավման գործարքների առավելագույն ծավալն արձանագրվել է հուլիսի 7-ին՝ 19,000,000,000 ՀՀ դրամ:

Լոմբարդային ռեպո գործիքի կիրառմամբ կնքվել է 6 գործարք՝ 18,400,000,000 ՀՀ դրամ ծավալով՝ 7,5 տոկոս միջին կշռված տոկոսադրույքով: գործարքնին մասնակցել են մեկական մասնակիցներ:

Դրամական միջոցների ավելցուկների և պակասուրդների նման տատանումները առևտրային բանկերի մոտ հիմնականում պայմանավորված են պահուստավորման փոփոխությամբ և ՀՀ առևտրային բանկերի իրացվելիության ավելցուկով:


Հուլիս ամսվա ընթացքում կնքվել է նաև Արտարժույթի ներգրավման սվոփ գործիքով 1 գործարք 18,000,000 ՀՀ դրամ ծավալով՝ նախորդ ամսվա համեմատ նվազելով 28 տոկոսով:

2018թ. հուլիս ամսվա ընթացքում ՀՀ ԿԲ-ն մշտական հնրավորության գործիքների միջոցով նպաստել է իրացվելիության կրճատմանը:

2. Դրամական զանգված և փողի ագրեգատներ


2018թ. հուլիս ամսվա ընթացքում փողի բազան էական տատանումներով հանդերձ, դրսևորել է հիմնականում աճման միտում: Հուլիս ամսվա սկիզբը նշանավորվել է փողի բազայի որոշակի աճով, որը տևել է մինչև հուլիս 3-ը, ինչի արդյունքում փողի բազան աճել է 1.8 տոկոսով: Մինչև հուլիսի 10-ը ընկած ժամանակահատվածը փողի բազան նվազել է 3.2 տոկոսով, իսկ հաջորդ երկու օրերին կտրուկ աճել՝ հասնելով ժամանակը չափի առավելագույն մեծությանը: Հետագա օրերի ընթացքում փողի բազան կտրուկ անկումներ է ունեցել և հուլիսի 20-ին հասել է ժամանակահատվածի նվազագույն մեծությանը: Հուլիսի 13-ին փողի բազան հուլիսի 10-ի նկատմամբ աճել է 5 տոկոսով, իսկ հուլիսի 20-ին հուլիսի 13-ի նկատմամբ նվազել 6 տոկոսով: Այնուհետև փողի բազան որոշակի տատանումներով հանդերձ հիմնականում աճման միտում է դրսևորել, ընդ որում, ամսվա վերջին Փողի բազայի աճը ամսվա սկզբի նկատմամբ կազմել է 1.3 տոկոս: Փոփոխություններն հիմնականում պայմանավորված են եղել առևտրային բանկերի ՀՀ կենտրոնական բանկում բացված թղթակցային հաշիվների մնացորդների փոփոխություններով, ինչպես նաև ԿԲ վարվող դրամավարկային քաղաքականությամբ:

Գծապատկեր 4. Փողի բազայի փոփոխության դինամիկան 2018թ. հուլիս ամսին



Կառուցվածքային առումով փողի զանգվածի մեջ հիմնական տեսակարար կշիռը կազմել է ԿԲ-ից դուրս կանխիկ դրամը՝ դիտարկվող ժամանակաշրջանում տատանվելով 51-ից 54 տոկոսի սահմաններում: Փողի բազայի կառուցվածքում զգալի է նաև ՀՀ դրամով թղթակցային հաշիվների տեսակարար կշիռը: Վերջինս հունիս ամսվա ընթացքում տատանվել է 33-ից 39 տոկոսի սահմաններում: Արտարժույթով թղթակցային հաշիվների և այլ հաշիվների տեսակարար կշիռը փողի բազայի կառուցվածքում համեմատաբար փոքր է: Հուլիսի 30-ի դրությամբ արտարժույթային հաշիվի տեսակարար կշիռը կազմել է 10.2%, իսկ այլ հաշիվների տեսակարար կշիռը 2.5%: Ինչ վերաբերում է ՀՀ դրամով թղթակցային հաշիվներին և ՀՀ ԿԲ-ից դուրս կանխիկ դրամի տեսակարար կշիռներին, ապա վերջիններս նույն օրվա դրությամբ կազմել են համապատասխանաբար 52.2% և 35.1%:

Գծապատկեր 5. Դրամական զանգվածի կառուցվածքը 2018թ. հուլիս ամսին



3. Արտարժույթի շուկաներ

Արտարժույթի բորսայական շուկա

Արտարժույթի բորսայական շուկայում 2018թ. Հուլիս ամսվա ընթացքում գործարք չի կնքվել: Չեն եղել նաև առաջարկի և պահանջարկի հայտեր:


Արտարժույթի արտաբորսայական շուկաներ

Արտարժույթի արտաբորսայական շուկայում հուլիս ամսին գործարքներ են կնքվել ԱՄՆ դոլարով, Եվրոյով և Ռուբլիով:

ԱՄՆ դոլար

Հուլիս ամսվա ընթացքում արտարժույթի Ներբանկային շուկայում գնվել է 389,063,931 ԱՄՆ դոլար՝ 480,75 դրամ ԱՄՆ մեկ դոլարի դիմաց միջին փոխարժեքով, եւ վաճառվել է 428,822,019 ԱՄՆ դոլար՝ 481,96 դրամ ԱՄՆ մեկ դոլարի դիմաց միջին փոխարժեքով: Ընդ որում, միջին կշռված փոխարժեքի 1.22 տոկոս նվազման պայմաններում հուլիս ամսին հունիս ամսվա համեմատ ԱՄՆ դոլարի առքը աճել է 7.35 տոկոսով, իսկ վաճառքն աճել է 16,13 տոկոսով:

Գծապատկեր 4 . 2018թ. Հուլիս ամսին Ներբանկային արժույթային շուկայում ԱՄՆ դոլարով գործարքների ծավալը և փոխարժեքը




Հուլիս ամսվա ընթացքում ԱՄՆ դոլարի փոխարժեքը դրսևորել է հիմնականում անկայուն միտում, մասնավորապես, առքի փոխարժեքը ամսվա վերջին ամսվա սկզբի համեմատ նվազել է 0.30 տոկոսով, իսկ վաճառքի փոխարժեքը չի փոխվել: ԱՄՆ դոլարի փոխարժեքի անկայունությունը, ըստ երևույթին, պայմանավորված է ՌԴ Ռուբլու ԱՄՆ դոլարի նկատմամբ ամրապնդմամբ և ՀՀ տնտեսության ՌԴ արժույթից կախվածությամբ: Դիտարկվող ժամանակաշրջանում արտարժույթի առքուվաճառքի սպրեդը տատանվել է 1.03 (հուլիսի 13) - ից 1,54 (հուլիսի 23)-ի միջև:

Ինչ վերաբերում է Առքի և Վաճառքի գործարքների ծավալին, հուլիս ամսին ԱՄՆ դոլար ավելի շատ վաճառվել է, քան գնվել: Գործարքների ծավալները անկայուն միտում են դրսևորել ամսվա ընթացքում, մասնավորապես, առքի գործարքների ծավալները տատանվել են 12844,083 (հուլիսի 6) ԱՄՆ դոլարից մինչև 27845,181(հուլիսի 30) ԱՄՆ դոլարի սահմաններում, իսկ վաճառքի գործարքի ծավալները տատանվել են 13130,012(հուլիսի 12) ԱՄՆ դոլարից 31489,029 (հուլիսի 11) ԱՄՆ դոլարի սահմաններում:

Հուլիս ամսվա ընթացքում արտարժույթի միջբանկային շուկայում գնվել և վաճառվել է 49,600,000 ԱՄՆ դոլար՝ 481,69 դրամ մեկ ԱՄՆ դոլարի դիմաց միջին փոխարժեքով: Հունիս ամսվա համեմատ հուլիս ամսին գործարքների ծավալն նվազել է 27.80 տոկոսով, իսկ միջին փոխարժեքը նվազել է 0,24 տոկոսով:

Գծապատկեր 5. 2018թ. հուլիս ամսին միջբանկային արժույթային շուկայում ԱՄՆ դոլարով գործարքների ծավալը և փոխարժեքը




Միջբանկային արտարժույթային շուկայում ամենաշատ ԱՄՆ դոլար գնվել և վաճառվել է հուլիսի 23-ին՝ 4,800,000 ԱՄՆ դոլար՝ 481,27 դրամ՝ ԱՄՆ մեկ դոլարի դիմաց միջին փոխարժեքով: Ամենաքիչը գնվել է հունիսի 18-ին՝ 482,75 դրամ՝ ԱՄՆ դոլարի դիմաց միջին փոխարժեքով և վաճառվել է հուլիսի 11-ին, հուլիսի 20-ին, հուլիսի 31-ին՝ 500,000 ԱՄՆ դոլար, համապատասխանաբար՝ 481,75 դրամ, 481 դրամ, 481,25 դրամ՝ ԱՄՆ մեկ դոլարի դիմաց միջին փոխարժեքով:

Եվրո

Հուլիս ամսվա ընթացքում արտարժույթի Ներբանկային շուկայում գնվել է 58,065,793 Եվրո՝ 560,19 դրամ մեկ Եվրոյի դիմաց միջին փոխարժեքով, եւ վաճառվել 84,279,495 Եվրո 563,70 դրամ մեկ Եվրոյի դիմաց միջին փոխարժեքով: Ընդ որում առքի միջին կշռված փոխարժեքի 1 տոկոս նվազելու պայմաններում հունիս ամսվա համեմատ հուլիս ամսին Եվրոյով առքի գործառնությունների ծավալը աճել է 40.23 տոկոսով՝ 0.26 տոկոս փոխարժեքի նվազման պայմաններում, իսկ վաճառքի միջին կշռված փոխարժեքի 5տոկոս նվազման պայմաններում հունիս ամսվա համեմատ հուլիս ամսին Եվրոյով վաճառքի գործառնությունների ծավալը նվազել է 3.21 տոկոսով 0.85 փոխարժեքի նվազման դեպքում:

Գծապատկեր 6. 2018թ. Հուլիս ամսին Ներբանկային արժույթային շուկայում Եվրոյով գործարքների ծավալը և փոխարժեքը



Հուլիս ամսվա ընթացքում Եվրոյի փոխարժեքը էականորեն տատանվել է, մասնավորապես, առքի փոխարժեքը ամսվա վերջին ամսվա սկզբի դրությամբ նվազել է 0,28 տոկոսով (561,32 ՀՀ դրամից դառնալով 559,73 ՀՀ դրամ), իսկ վաճառքի փոխարժեքը նույն ժամանակաշրջանի ընթացքում աճել է 0,20 տոկոսով (562,40 ՀՀ դրամից դառնալով 563,51 ՀՀ դրամ): Դիտարկվող ժամանակաշրջանում արտարժույթի առքուվաճառքի սպրեդը տատանվել է 1,08 (հուլիսի 2)-ից 5,72 (հուլիսի 27)-ի միջև: Փոխարժեքը ամսվա ընթացքում դրսևորել է անկայուն միտում: Հուլիսի 31-ի դրությամբ առքի փոխարժեքը կազմել է 559,72 վաճառքինը՝ 563,51 ՀՀ դրամ:


Ինչ վերաբերում է առքի և վաճառքի գործարքների ծավալին, ապա Եվրո ավելի շատ վաճառվել է, քան գնվել, ընդ որում, վաճառքի ծավալը շուրջ 1.4 անգամ մեծ է եղել առքի ծավալից: Առքի առավելագույն ծավալը արձանագրվել են հուլիսի 2-ին՝ 12,436,316 Եվրո (561,32 փոխարժեքով), իսկ վաճառքինը արձանագրվել է հուլիսի 2-ին՝ 13,177,694 Եվրո (562,40 փոխարժեքով): Ինչ վերաբերում է գործարքի նվազագույն ծավալներին, ապա ամենաքիչ Եվրոն գնվել հուլիսի 26-ին՝ 1,490,162 Եվրո (560,66 փոխարժեքով) և ամենաքիչը վաճառվել է հուլիսի 13-ին՝ 2,577,496 (563,00 փոխարժեքով):

Արտարժույթի միջբանկային շուկայում հուլիս ամսվա ընթացքում Եվրոյով գործարքներ չեն եղել:

ՌԴ Ռուբլի

Հուլիս ամսվա ընթացքում արտարժույթի Ներբանկային շուկայում գնվել է 6,957,100,948 ռուբլի 7,61 դրամ մեկ ռուբլու դիմաց միջին փոխարժեքով, եւ վաճառվել է 2,601,818,852 ռուբլի 7,71 դրամ մեկ ռուբլու դիմաց միջին փոխարժեքով: Հունիս ամսվա համեմատ հուլիս ամսին Ռուբլով առքի գործառնությունների ծավալը աճել է 19 տոկոսով շուրջ 0.33 տոկոս փոխարժեքի նվազման պայմաններում, իսկ վաճառքի գործառնությունների ծավալը աճել է 2.85 տոկոսով 0.28 տոկոս փոխարժեքի նվազման դեպքում:


Գծապատկեր 7. 2018թ. Հուլիս ամսին Ներբանկային արժույթային շուկայում Ռուբլիով գործարքների ծավալը և փոխարժեքը



Հուլիս ամսվա ընթացքում Ռուբլու փոխարժեքը դրսևորել է անկայուն միտում, մասնավորապես, առքի փոխարժեքը ամսվա վերջին ամսվա սկզբի համեմատ աճել է 0.23%-ով (7,63 ՀՀ դրամից դառնալով 7,65 ՀՀ դրամ), իսկ վաճառքի փոխարժեքը նույն ժամանակաշրջանի ընթացքում աճել է 0.14%-ով(7,83 ՀՀ դրամից դառնալով 7,71 ՀՀ դրամ): Դիտարկվող ժամանակաշրջանում արտարժույթի առքուվաճառքի սպրեդը տատանվել է 0,08(հուլիսի 4, հուլիսի 25, հուլիսի 19)- ից 0,12 (հուլիսի 3) - ի միջև:

Ինչ վերաբերում է առքի և վաճառքի գործարքների ծավալներին, ապա Ռուբլի ավելի շատ գնվել է, քան վաճառվել: Առքի առավելագույն ծավալը արձանագրվել հուլիսի 9-ին՝ 458,775,087 Ռուբլի (7,61 ՀՀ դրամ փոխարժեքով), իսկ առավելագույն վաճառքի ծավալը հուլիսի 6 -ին՝ 223,078,604 Ռուբլի (7,68 դրամ փոխարժեքով): Ինչ վերաբերում է գործարքի նվազագույն ծավալներին, ապա ամենաքիչ ռուբլին գնվել է հուլիսի 26-ին՝ 231,438,548 Ռուբլի (7,59 ՀՀ դրամ փոխարժեքով) և ամենաքիչը վաճառվել հուլիսի 2-ին՝ 91,466,322 (7,73 ՀՀ դրամ փոխարժեքով) Ռուբլի:

Ստորև ներկայացնենք նաև ԱՄՆ դոլարի, Եվրոյի և Ռուբլու փոխարժեքների դինամիկան 2018թ. հուլիս ամսվա ընթացքում.



Հուլիս ամսվա ընթացքում ռուբլին անկայուն միտում է դրսևորել: Եվրոն անկայուն միտում է դրսևորել՝ առաջին հերթին պայմանավորված միջազգային շուկայի զարգացումներով: Իսկ ինչ վերաբերում է ԱՄՆ դոլարին, ապա այն ևս անկայուն է եղել: